

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

02. Allaffeqarfimmiit oqaasiinnartigut paasissutissiissutit

Imm. 2.1 Allaffeqarfimmiit oqaasiinnartigut paasissutissiissutit

03. Aningaasaqarnermut tunngasut

Imm. 3.1 Maniitsumi inuit innarluutillit najugaqtigüifiata B-1406 allilerneranut atatillugu aamma sulisut amerlassusiligaanerisa annertusinissaannut kiisalu ilassutitut aningaasaliisoqarnissamut qinnuteqaat.

04. Suliassat naliginnaasut

Imm. 4.1 2022-mut kukkunersiusut nalunaarutaat - Atugarissaarnermut immikkoortortaq

**Imm. 4.2 Pisinnatitsinermut pilersaarutip nutarterneqarnerata
akuersissutigineqarnissaanut Atugarissaanermut ataatsimiititaliamut qinnuteqaat**

**Imm. 4.3 Meeqqat paaqqutarisat ilagalugit sulinngiffeqarluni angalanissamut atatillugu
qinnuteqaatinik aalajangiisartutut aallartitanut akuersissuteqarneq.**

05. Sulisoqarnermut tunngasut

Soqanngilaq

06. Paasissutissiissutit

**Imm. 6.1 Inunnut puigortunngortunut qanigisaasunut pikkorissaaneq pillugu
paasissutissiineq**

**Imm. 6.2 Qeqqata Kommuniani Sisimiuni utoqqaat nunanut allanut angalasimanerinik
ilisimatitsissut.**

08. Tamalaat

Imm. 8.1 Tamalaat

**Atugarissaarnermut Ataatsimiititaliap novemberip 6-ani 2023-imik ileqquusumik ataatsimiinnera
10/2023 – *Imaqarniliaq***

Ataatsimiinneq aallartippoq nal. 13:05

Peqataasut:

Inuit Ataqatigiit

Juliane Enoksen, Siulittaasoq, Sisimiut
Navarana Lennert, Sisimiut

Siumut

Hans Frederik Olsen, Siulittaasup tullia, oqarasuaatikkut peqataavoq. Nal. 13:47 matoqqasut
aallartilermata peqataajunnaarpooq.
Barnabas Larsen, Kangaamiut

Naleraq

Nalunaaruteqarlutik peqataanngitsut:
Steffen Johansen, Naleraq, Sisimiut

Nalunaaruteqaratik peqataanngitsut

Imm. 01 Oqaluuserisassat akuersissutigineri

Aalajangiineq

Akuersissutigineqarpoq.

- Pisortaaneq nassuaavoq Imm. 4.2-mut ilanngussaq nutserneqarnikoq suli tiguneqarsimangitsoq.
- Barnabas Larsen tamalaani pisortaanermut apeqqutissaqarpoq.
- Hans Frederik Olsen oqarasuaatikkut Europamiit peqataavoq.

02. Allaffeqarfimmiit oqaasiinnartigut paasissutissiissutit

Imm. 2.1 Allaffeqarfimmiit oqaasiinnartigut paasissutissiissutit

Sisimiuni arfininngormat ilaqtariit paarsisartut naapinnerat.

- Ilaqtariit paarsisartut ukiup affakkaarlugit naapilaartarnissaat pisariqartoq
- Allaffissornikkut allannguutit eqqaaneqarput
- Ilaqtariit paarsisartut paarsinermusiaat akileraarternerallu eqqartorneqarpoq, tamannalu inatsisilerisunut apuunneqarnissaa suliniutiginiarlugu ilaqtariit paarsisartunut nalunaarnikuuvvoq siulittaasoq.

03. Aningaasaqarnermut tunngasut

Imm. 3.1 Maniitsumi inuit innarluutillit najugaqtigiiifiata B-1406 allilerneranut atatillugu aamma sulisut amerlassusiligaanerisa annertusinissaannut kiisalu ilassutitut aningaasaliisoqarnissamut qinnuteqaat.

Journalnr. 03.01

Tunuliaquaq

Innuttaasut innarluutillit napparsimmavimmi sivisunerusumik uninngasarneratigut aningaasartuutit qaffakkiartorneri naammassiniarlutit, Qeqqata Kommuniani Maniitsumi inuit innarluutillit immikkoortortaa najugaqtigiiifiup B-1406-imi inissimasuusunik alliliinissamut aalajangiivoq. Najugaqtigiiifik siusinnerusukkut ininiq 002, 003 aamma 004-mik taamaallaat imaqarpoq. Inissiaq 201 maannakkut najugaqtigiiinnut ilanngunnikuuvoq, taamaalillunilu najugaqtigiiifik quleriinnut marlunnut aggulussimalerluni. Tamatuma kingunerisaanik immikkoortumi tassani sulisut amerlanerusut pisariaqartinneqarput. Inissiaq 201-imi najugaqartut nutaat marluk annertuumik paaqqutarineqarnissamik pisariaqartitsippu, sinifimmullu ullormut 6.000 koruuninik kommunimut aningaasartuuteqartitsisarluni.

Maleruagassatigut tunngavissaq

Inatsisartut inatsisaat nr. 13, 12. juni 2019-imeersumi (§ 14 aamma § 47) kiisalu Namminersorlutik Oqartussat nalunaarutaat nr. 19, 4. november 2019-imeersoq (§ 8) naapertorlugit, inuit innarluutilinnut kommuni najugaqtigiffinnik illersugaasunik pitsasunik qulakteerinnittussaatitaavoq. Najugaqartut sapinngisamik nammineertunngortinniarnissaat anguniagaavoq. Kommunimi angerlarsimaffillit innuttaasut pisinnaatitaaffillit 18-it sinnerlugit ukiullit marluuppata amerlanerullutilluunniit, taava Naalakkersuisut kommunimut najugaqtigiffimmik pilersitsinissamut piumasaqaateqarsinnaapput.

Pissutsit atuuttut

Innuttaasumik paaqqutarisariaqartumik napparsimmavimmi paaqqutarinninnermi akigititaq ullormut 6.000 koruuniavoq. Qeqqata Kommunia Maniitsumi 2023-mi februar/marts-imit innuttaasut pingasut taamatut paaqqutarineqarnissamut pisariaqartitsisimapput kommunimut annertuumik aningaasartuuteqarnermik kinguneqartumik.

Naapertuunnerusumik aaqqiisummik neqerooruteqarnissamut najugaqtigiiifik B-1406 allilerneqarnikuuvoq. Inissiaaqqaartut 002, 003 aamma 004 inuit innarluutilinnut naleqqussagaapput, taakkulu inissiamik 201-imik ilaneqarnikuullutik. Peqqinnissaqarfimmit innuttaasunik paaqqutarineqarnissamut pisariaqartitsisunik tassunga inissiamut nuutsisoqarnikuuvoq. Naak sulisooreersut najugaqartunik tamanik isumaginnissinnaasorineqaraluartut, najugaqartut nooqqammisut annertuumik paaqqutarineqarnissamik pisariaqartitsinerat patsisaallutik tamanna piviusorsiorpasinngitsoq erngertumik paasineqarpoq.

Inissiani 002, 003 aamma 004-miittut tarnikkut kinguarsimasuupput suliamullu misilittagaqartunit sulisunit tapersersorneqarlutik. Inissiami 201-imi najugaqartut nutaat marluusut milikartoorsimanikkut timimikkut innarluuteqartuupput, taakkulu allatut paaqqutarineqarnissaminnek pisariaqartitsisuullutik. Aalajangersimasumik sulisoqannginnikkut pisariaqartitaminnik isumassorneqanngitsoorsinnaapput imaluunniit napparsimmavimmi paaqqutarilluarnissaannut utertinneqartariaqarsinnaallutik.

***Atugarissaarnermut Ataatsimiititaliap novemberip 6-ani 2023-imi ileqquusumik ataatsimiinnera
10/2023 – Imaqarniliaq***

Qulaani allassimasut tunngavigalugit najugaqartut marluusut annertuumik paaqqutarineqarnissamik pisariaqartitsinerisigut pitsaanerpaamik isumassorneqarnissaat qulakkeerniarlugu, najugaqatigiiffiup allilernerani paaqqutarinnittussanik tallimanik pisariaqartitsisoqarpooq. Najugaqartut ulluinnarni inuunerminni ikuututnik assigiinngitsunik atuisuupput, soorlu paarisarialinnut siniffik, issiavik kaasuartagaq aammalu nuutsitsinissamut ikuut Sara Stedy.

Aningaasaqarnikkut allaffissornikkullu kingunerisinnaasai

Eqitsimi ataani naatsorsuinerit takuneqarsinnaapput tulliuttutigullu tunngaveqarlutik: SIK minnerpaamik akissarsiat: 103 kr., Inuit innarluutilinnut tapeq: 1,93 kr.; Ikiortinut tapeq: 2,65 kr. Katillugit: Akunnermut 107,58 koruunit

Eqitsit 1: Ulluunerani unnukkullu tapersersortit tallimat angullugit naatsorsuutit

Akissarsianut aninaasartuutit	Akissarsiat	Sulinngiffeqarnermi akissarsiat	Katillugit sulisoq ataaseq	Sulisut marluk	Sulisut pingasut	Sulisut sisamat	Sulisut tallimat
Sapaatip akunneranut	4.303	513	4.816	9.632	14.449	19.265	24.816
Ullunut 14-inut	8.606	1.026	9.632	19.265	28.897	38.530	48.162
Qaammammut	17.213	2.154	19.367	38.734	58.100	77.467	96.834
Ukiumut	206.556	25.848	232.404	464.808	697.200	929.604	1.162.008

Aningaasaqarnermut isiginnissinnaaneq

Aningaasartuutit sanilliunneqarneratigut paaqqutarisariaqartunut inunnut marlunnut kommuni qaammammut napparsimavimmut tulliuttutigut akiliuteqartarpooq: $2 \times 6.000 \text{ kr.} \times 30,4 \text{ ullut} = 364.800 \text{ kr.}$, assigiinnarpaa $2 \times 6.000 \text{ kr.} \times 365 \text{ ullut} = 4.380.000 \text{ kr.}$ ukiumut. Tamakku qaavatigut innuttaasoq napparsimavimmiikkaluarpparduunniit tapersersortimut ullormut akunnernut sisamanut kommuni aningaasartuuteqartarpooq.

Akigitat

Atuiffik	Atuiffiup taagutaa	Missing ersuutit	Atuineq	Sinneri	Atuineq
552040301-0501045300- 122010200-01057	Najugaqatigiiffimmi akunnermusiallit	3.818	3.186	632	83,45%

Atuilluartuunissakkut kingunerisinnaasai

Sulisut amerlassusiligaanerisa tallimanik amerlineqarneratigut, najugaqartut isumassorneqarnerinut imaluunniit sulisut naammagisimaarinninnerinut pitsaanngitsumik kinguneqanngitsumik, najugaqatigiiffimmi sulisut ilaat tarnimikkut innarluutilinnik taamaallaat sullisisinnaaalissapput, ilaalu timimikkut innarluutilinnut annertunerusumik paaqqutarialinnik sullisisinnaassallutik. Tamatuma saniatigut napparsimavimmi uninngatitsisarnerup sivitsorneqartarneranut akigitat qaffasissorujussuarnut atatillugu Qeqqata Kommunia annertulaartumik sipaaruteqarsinnaaalissaq.

Allaffeqarfiup naliliinera

Maniitsumi Atugarissaarnermut immikkoortortaq qinnuteqaatip tapersersornartuuneranut naliliivoq. Sulisut amerlassusiligaanerisa qaffanneqarnissaat innuttaasut paaqqutarineqarnissamik pisariaqartitsisuusut, paaqqutarinninnermi suliassanut iluaqutaassasoq malunnarpooq, soorluttaaq missingersuutitigut aningaasaliissutinik pitsaanerpaamik atuinermik kinguneqartitseqataassalluni, soorunami sulisut amerlassusiisa qaffanneqarneratigut sulilersitsisinnaasoqartillugu tamanna iluaqutaassaaq.

Innersuussut

Atugarissaarnermut Immikkoortortaqarfik Maniitsoq Aningaasaqarnermut Ataatsimiititaliamut
innersuussutigivaa akuereqqullugu

1. Najugaqatigiiffimmut B-1406-imi inissimasumi aammalu inissiaq 201--mi innuttaasut timimikkut innarluuteqarlutik paaqqutarineqarnissamik pisariaqartitsiviusumut annertusaanermi sulisut amerlassusiligaanerisa tallimanik ilaneqassasut.
2. Akunnermusialinnut atuiffik 552040301-0501045300-122010200-010570-imut 2023-mi november-imut decembarimullu qaammammut 96.834 koruuninik aammalu 2024-mit 2027 tikillugu ukiumut 1.162.008 koruuninik ilassutitut aningaasaliissutit akuersissutigineqassasut.
3. Suliaq aningaasaqarnermut Ataatsimiititami akuersissutigineqartussanngorlugu ingerlateqqinnejassasoq

Aalajangiineq

Akuersissutigineqarput suliarlu Aningaasaqarnermut ataatsimiititaliamut akuerineqartussanngorlugu ingerlateqqinnejassaaq.

Ilanngussaq

04. Suliassat naliginnaasut

Imm. 4.1 2022-mut kukkunersiusut nalunaarutaat - Atugarissaarnermut immikkoortortaq

Journalnr. 06.04.01

Tunuliaqtaq

Kukkunersiusut BDO kommunimut 2022-mut kukkunersiuinermut nalunaaarusiamik nr. 43-mik nassiuissaqarnikuupput, taanna maannakkut Aningaasaqarnermut ataatsimiititaliamut Kommunalbestyrelsimullu saqqummiinneqartinnagu atugarissaarnermut ataatsimiititaliami suliarineqassaaq.

Maleruagassatigut tunngavissaq

Kukkunersiuineq ileqqorissaartumik/pitsaasumik kukkunersiueriaaseq, Namminersornerullutillu Oqartussat kommunini il.il. suliassaqarfutaasa kukkunersiorneqartarnerat pillugu Namminersornerullutik Oqartussat nalunaarutaat nr. 14, 23. august 1999-imeersoq malillugu naapertuuttumik suliarineqartarpooq.

Aqutsinermut inatsimmi § 48 imm. 5 naapertorlugu, kukkunersiusut oqaaseqaataat kommunalbestyrelsimit akineqartussaatitaapput, aalajangiisoqareerpallu akissuteqaatit Nakkutilliisoqarfimmut nassiuinneqassapput.

Pissutsit atuuttut

1 ISUMAGINNINNIKKUT NAATSORSUUTINIK KUKKUNERSIUINEQ - IMMIKKOORTORTAQ NAMMINERSORLUTIK OQARTUSSANIT UTERTIFFIGITINNEQARTARTUT

Malitsigisaanik kukkunersiuinerup ingerlanneqarneranut nassuiaasoqarpoq isumaginninnikkullu immikkoortumi kommunip ingerlatsineranik nalilersuisoqarluni.

Kukkunersiuineq immikkoortumi malittarisassat ingerlariaatsillu atuuttunik naapertuuttumik ingerlanneqarpoq.

Kukkunersiuilluni tikeraernermet atatillugu kukkunersiuinerup annertussusaa inernerilu pillugit allaffisornermi aqutsisut paasitinnikuuagut.

1.1 INGERLAAVARTUMIK KUKKUNERSIUINEQ

1.1.1 Nalinginnaasumik

Immikkoortut tullinnguuttut inunnut ataasiakkaanut immikkoortuni kukkunersiukkanik tamanut matussusiisuusut siunertanik, annertussutsinik kiisalu kukkunersiuinermik ingerlanneqartumik imaqtinnejqassapput. Inunnut ataasiakkaanut immikkoortuni atuiffilersuisarnermi ilitsersuummik naapertuuttumik agguataagaapput.

Siunertaq

Kukkunersiuinerup siunertarivaa, kommunip allaffissornikkut naatsorsuuserinikkullu ingerlatseriaasiata misissuiffiginissa, matumani suleriaatsit, suliffeqarfimmi imminermi nakkutilleeriaasissaq kiisalu inunnik isumaginninnermi sulliseriaatsit, pissusissamisoornersut tutsuiginartuunersllu misissuiffiginissaat.

1.1.2 Kukkunersiuinerup annertussusia ingerlanneralu

Kukkunersiuineq ataqatigiissumik systemitigut sukumiinerusumillu misissuinikkut ingerlanneqartarpooq, tassa kukkunersiuuisup systemitigut, suleriaatsitigut, nakkutilleeriaatsikkut il.il ilisimasat toqqammavigalugit nalilersuineratigut.

Kukkunersiukkat amerlassusii kukkunersiueraatsimik atukkamik, nakkutilliinernik misiliinernik sukumiinerusumillu kukkunersiuinerit toqqammaveqarput.

Inunnut ataasiakkaanut tunngasunik toqqaanerit kukkunersiuuisup pisariaqartitsinermik nalilersuineratigut pilersaarusrorneqartarput, tulliuttullu annertuumik toqqammavilersuutaasarlutik:

- suliassat nutaatut pilersinneqartut
- suliat aningaasaqarnermut tunngassuteqarnerusut
- suliat sullissinikkut, toqqammaviliisussatigut sumiiffimmilu pissutsinut tunnganerusut
- suliat kukkunersiuuisup naliliinera malillugu.

Kukkunersiuinermi isumaginninnikkut pisariaqartitsinermik nalilersuisoqarneq ajorpoq, inatsisitigulli toqqammavissatigut nalilersuineq pisarluni.

Nakkutilliinerit tulliuttutigut aningaasanngorlugit tunniussat naatsorsuutinut ikkutat il.il. aningaasaliissuteqarfiusimanissaat, kiisalu inatsisitigut aalajangersakkatigullu toqqammaveqarnissaat misissuiffigisimavagut. Taamatuttaaq aamma misilippavut, immikkoortut assigiinngitsut iluini aalajangiisussaatitaasunit naammagittaalliuuteqartarfinilu aalajangiunneqarnikuusuni tunngaviusumik aalajangiinerit sullissinermi eqqarsaatigineqarsimanersut.

Taamatuttaaq suliamik pilersitsinermini inatsisitigut pisussaaffigalugit malinnaaffiginninnermi kommuuni toqqammavissaqanngitsumik aningaasanngorlugit tunniussinerit pinaveersaarnissaat qulakteerniarlugu, aningaasanut paassisutissatigut nakkutilliinissaminik periarfissani atorsimaneraa, matumani pisariaqartitsineq naapertorlugu nalunaarsuutinit assigiinngitsunit paassisutissat ataqatigiissaarneqartarsimanersut misissuiffigivagut.

1.1.3 Suleriaatsit il.il.:

Namminersornerullutik Oqartussat kommunini il.il. suliassaqarfiutaasa kukkunersiorneqartarnerat pillugu Namminersornerullutik Oqartussat nalunaarutaat nr. 14, 23. august 1999-imeersoq naapertorlugu sullissinermi pitsaassutsimik qulakteerinninnissamut illup iluani nakkutilliinermik kommuuni pilersaarusrorsimasussaavoq.

Kommunip allaffissornikkut naatsorsuuserinikkullu suleriaasaa misissuiffigivarput (matumani suleriaatsit, nammineerluni nakkutilleeriaatsit, sulianik suliaqartarnerit, taamatullu aamma pitsaassutsikkut nakkutilliinerit) tulliuttutigut inunnik sullissinertigut tutsuiginartuunersut naapertuuttumillu ingerlanneqarsimanersut:

- Utoqqalinermi pensionisiat
- Erninermut atatillugu ullormusiat
- Ineqarnermut tapiissutit
- Meeqqanut tapit
- Meeqqanut akilersuutit
- Piginnaanngorsaqqinneq
- Ilinniarnermi tapiissutit meeqqanullu tapit

Kommunip suleriaasii, pitsaassutsimik nakkutilliinera illullu iluani nakkutilliinerit allat misilinniarlugit sulianut inunnut tunngasunik arlalinnik nakkutilliilluni immikkortunik arlallinnik nakkutilliinermik misileraanikuuvugut.

Inerniliineq

Uagut naliliinerivarput, sulianut inunnut tunngassutilinni suleriaatsinik il.il. tulluartunik toqqisisimanartunillu ataatsimut isigalugu pilersitsisoqarsimasoq kiisalu taakkununnga naapertuuttumi ingerlatsisoqartoq.

Taamaattorli paasivarput, siusinaartumik pensioninut sulianik naliersueqqittarnermut periuseq 2021-mi unittoorsimasoq. Uagut paasinninnerput malillugu, taanna salliueteqqinneqartariaqarluarpoq, taamaalilluni naliersueqqittarnermik inatsimmik qulakkeerinissaq malinneqarluni.

Oqaaseqaatit: Siusinaartumik pensioninut sulianut naliersueqqittarnermut periutsip 2021-mi unittoorsimaneranik kukkunersiuisut inerniliineranni Atugarissaarnermut immikkoortortaqarfik isumaqataavoq. 2023-mi ajoraluartumik naliersueqqinninnernik ingerlatsisoqanngilaq, ukiup ingerlanerani siusinaartumik pensioneqalernissaq pillugu qinnuteqaatit qaffariaateqarnerannik peqquteqarunartumik.

2024-mi januarip aallaqqaataani atuutilertussamik pisortanik ikorsiissutinik kiisalu aapparisamut/inoqatigisamut pilersuisussaatitaanermik atorunnaarsitsinissaq pillugu inatsimmik allanguinissamut atatillugu, Atugarissaarnermut immikkoortortami Sisimiuni Ikorsiisarnermik immikkortortami sullissisumut atorfimmiit utoqqarnut immikkoortortamut nuutsitsiniarpoq, taamaalilluni siusinaartumik pensionisialinnik naliersuinermik sullissisut suliaqarsinnaaniassammata, 2024-mi januarip aallaqqaataanni atuutilertussamik inatsisit allangorpata ikorsiisarnermut immikkoortortami suliassat ikilisussaammata. Piffissami matumani siusinaartumik aamma utoqqalinersiaqarnermut immikkoortup iluani sulissisut marluinnaarput, tamannalu isumaqarpoq, naliersueqqilluni suliassani ukkaqataqarnissamut suleqataasut ikippallaarnikuuneri.

Atugarissaarnermut immikkoortumi tamarmiusumi naliersueqqittarnermi periuseq 2024-mi pilersetqinneaqqinnissaa sulissutigineqassaaq

1.1.4 Inunnut ataasiakkaanut tunngasut

Pingaaruteqarneri mianernassusiilu toqqammavigalugit naliersuinertigut, inunnut aataasiakkaanut tunngassutilit suliat misissuiffigineqarput.

Inunnut ataasiakkaanut tunngassutilit misissuiffigineri misiliinerit inatsisitigullu mianerisariaqakkatigut ataqtigisitsinermik toqqammaveqartumik tulliuttutigut misissuiffigineqarput.

- Utoqqalinermi pensionisiat
- Erninermut atatillugu ullormusiat
- Ineqarnermut tapiissutit
- Meeqqanut tapit
- Meeqqanut akilersuutit
- Piginnaanngorsaqinneq
- Ilinniarnermi tapiissutit meeqqanullu tapit

Inunnut ataasiakkaanut tunngatillugu suliat misissorneqarnerinut eqikkaalluni inerniliineq

Kukkunersiuineq naammassereersoq tunngavigalugu, maleruagassat atuuttut naapertorlugit suliat inunnut tunngasut tamakkiusuusumik aqtsivigineqartut isumaqarpugut.

Immikkoortuni tulliuttuni kukkuneqarpiangitsunik kukkuneqanngitsunilluunniit nassaarpugut:

- Utoqqalinermi pensionisiat
Suliat 15 misissuiffigineqarput taakkunannga 13 kukkuneqaratik.
- Erninermut atatillugu ullormusiat
Suliat aqqanillit misissuiffigineqarput taakkunannga arfineq-pingasut kukkuneqaratik.
- Ineqarnermut tapiissutit
Suliat aqqanillit kukkuneqanngitsut misissorneqarput
- Meeqqanut tapit
Suliat aqqanillit misissuiffigineqarput taakkunannga qulit kukkuneqaratik.
- Meeqqanut akilersuutit
Suliat qulit kukkuneqanngitsut misissorneqarput
- Piginnaanngorsaqinneq
Suliat tallimat misissuiffigineqarput taakkunannga sisamat kukkuneqaratik.
- Ilinniarnermi tapiissutit meeqqanullu tapit
Suliat arfineq-pingasut kukkuneqanngitsut misissorneqarput

Oqaaseqaat: Utoqqalinersianik akuersissuteqarneq nalimmassaarinerlu ilanngullugit isumaginninnermi immikkoortumi sullissinermik pitsaassutsimik pitsanguinissamut kommunip suliaqarnini ingerlateqqissavaa. Sulerulussimaneq pissutigalugu 65-iliinermi utoqqalinersiaqalerissamik akuersissuteqarnermi akuersissumik suliaqartoqartarnissaa aammalu utoqqalinersianik nalimmaasaanermi isertitassatut naatsorsuutigineqartut eqqortut nalunaarutigineqartarnissaat Atugarissaarnermut immikkoortortap isumagissavaa."

Tamatuma saniatigut Atugarissaarnermut immikkoortortap isumaginninnermut inatsisip iluani sullisisunut pikkorissaatisitsarnissaq ukkatarissavaa kiisalu immikkoortup iluani pikkorissaaneeqyanik pilersaarusiornikkut inatsisinik ilisimasaat allanngutsaaliorialugit.

1.2 INAARUTAASUMIK KUKKUNERSIUINEQ

1.2.1 Naatsorsuutinik saqqummiineq utertitanillu sinneruttunik akiliineq

Sinneruttunik akiligassanut eqitsisit kommunip naatsorsuutinut ikkussimanerai misissornikuuvarput. Aammattaaq tigulaarinikkut utertitassatut nalunaarutigineqartut eqqortunersut pillugit aningaasartuutinik isertitanillu kommunip atuiffilersuinera naatsorsuutinilu eqqortumik ersernersut misissornikuuvarput.

Innersuussut

Atugarissaarnermut immikkoortortap Atugarissaarnermut ataatsimiititaliamut innersuussutigivaa:

1. 2022-mut kukkunersiusut allakkiaat tusaatissatut tiguneqassasoq
2. Suliaq Aningaasaqarnermut Ataatsimiititaliamut Kommunalbestyrelsimullu akuerisassanngorlugu saqqummiunneqassasoq.

Aalajangiineq

Akuersissutigineqarpoq suliarlu Aningaasaqarnermut Ataatsimiititaliamut Kommunalbestyrelsimullu akuerisassanngorlugu saqqummiunneqassaaq.

Ilanngussaq

1. Kukkunersiusut allakkiaat 2022 - Atugarissaarnermut immikkoortortaq
2. 10.1.1 Inunnut ataasiakkaanut suliat

**Imm. 4.2 Pisinnaatitsinermut pilersaarutip nutarterneqarnerata
akuersissutigineqarnissaanut Atugarissaarnermut ataatsimiititaliamut qinnuteqaat**

Journalnr. 02.00.01

Tunuliaqutaq

Inatsisartut inatsisaat, Namminersorlutik Oqartussat nalunaarutaat, Inatsisartut peqqussutaat aammalu Namminersonerullutik Oqartussat nalunaarutaat ataavartumik nutarterneqartarmata, Atugarissaarnermut ataatsimiititaliamut pisinnaatitsinermut pilersaarut Qeqqata Kommunianit ataavartumik nutarterneqartassaaq.

Maleruagassatigut tunngavissaq

Pingaarnertut inatsisit allaffissornikkullu tunngavissat atuuttut:

- Aqutsineq pillugu inatsit
- Qeqqata Kommuniani kommunip susassaqarfíimi aqutsinermut ileqqoreqqusat
- Qeqqata Kommuniani Atugarissaarnermut ataatsimiititaliamut suleriaasissaq

Pissutsit atuuttut

Inatsisartut inatsisaat atuuttup allannguutai kingulliit ilangussaq 1-itut ilangunneqarput. Qeqqata Kommuniani Atugarissaarnermut ataatsimiititaliamut pisinnaatitsinermut pilersaarutip nutarterneqarnissaanut siunnersuutit ilangussaq 1-imí aappaluttumik allassimapput.

Pisinnaatitsinermut pilersaarummut pingaarnertut inatsisartut inatsisaat ilangunneqartut allannguvigineqarsimasut tulliuttutut allassimapput.

1. Siusinaartumik pensionisiat pillugit Inatsisartut inatsisaanut allanngortinneqarneranut Inatsisartut inatsisaat nr. 18, 21. november 2022-meersoq atuuttuuvoq
2. Utoqqalinersiaqarneq pillugu Inatsisartut inatsisaata aamma Siusinaartumik pensionisiat pillugit Inatsisartut inatsisaata allanngortinneqarnerat pillugu Inatsisartut inatsisaat nr. 36, 13. juni 2023-imeersoq (Utoqqalinersialinnut toqqammaviusumik utoqqalinersianik iluarsiineq aamma siusinaartumik pensionisianik qaffasinnerpaanik iluarsiineq).
3. Isumaginninnermik suliassaqarfíimi pissaanermik atuineq pillugu Inatsisartut inatsisaat nr. 8, 20. juni 2022-meersoq
4. Pisortanit ikorsiissutit pillugit Inatsisartut inatsisaat nr. 6, 20. juni 2022-meersoq
akuersissutigineqartoq.

Ilangussaq 1-mi aappaluttumik allassimasut oqaaseqaatit aalajangersimasut siunnersuutaapput – isumaginninnermik inatsit pillugu innuttaasut pisariaqartitaannut tunngasunik sulianik akimortumik immikkoortortat suleqatigiittussanut suliniarnerup ajornannginnerunissaa siunertaralugu. Oqaaseqaatit tungujortumik allassimasut inatsisaapput akuersissutigineqarnikut aammalu nalunaaruteqarnikkut jannuaarip aallaqqaataanni imaluunniit juulip aallaqqaataanni atuutilersussat, Pisortanik ikiortiissutit pillugit Inatsisartut inatsisaata allannguiteqarneranut Inatsisartut inatsisaat nr. 32, 13. juni 2023-meersoq aammalu suliffissarsiorunut ikorsiissutit pillugit Inatsisartut inatsisaasa allannguiteqarnera (atuutilersinneqarnerata ulluata allanngornera aammalu ikaarsaarnermut aalajangersakkat) naapertorlugit.

Allaannguutit pingaernerit tassaapput, siusinaartumik pensioninik pisartagaqalernissamut Atugarissaarnermut pisortaanermiit aalajangiiffiqeqarsinnaanerat, tamatumalu kingorna Atugarissaarnermut pisortaq Tullersorteq peqatigalugu innersuusioriarlutik aalajangiissasut, kingornalu pisartagaqalersitsineq Atugarissaarnermut ataatsimiititaliamut paasissutissiissutigineqarluni.

Atuilluartuunissakkut kingunerisinnaasai

Atugarissaarnermut immikkoortortaq pisinnaatitsinermut pilersaarummik ullutsinnut naapertuuttumik, inatsisinik, nalunaarusianik peqqussutsinillu atuuttunik imalinnik ullutsinnut naapertuuttunik pisariaqartitsivoq. Atugarissaarnermut ataatsimiititaliamut Pisinnaatitsinermut pilersaarut nutartigaq kommunimi sullissinermik pitsanngorsaassaaq, taamaaliornikkut immikkoortortami aqutisut, atugarissaarnermut pisortat atugarissaarnermullu pisortaaneq aaqqissuussaanerusumik sulinissaminnut piffissaqarnerussallutik aammalu sullissineq sivikinnerusumik sukkannerusumillu ingerlanneqarsinnaalissalluni.

Allaffeqarfiup naliliinera

Atugarissaarnermut immikkoortortaq sukkannerusumik sullisisinnaalissaaq, innuttaasunillu sullissivik malunnaatilimmik pitsanngoriaateqassalluni. Pisinnaatitsinermut pilersaarutitigut Atugarissaarnermut ataatsimiititaliamut suliat saqqummiunneqartut annikinnerulissapput, ataatsimiititaliallu ataatsimiittarnera sivikillissalluni.

Innersuussut

Atugarissaarnermut immikkoortortap Atugarissaarnermut ataatsimiititaliamut

Kommunalbestyrelsimullu innersuussutigaa:

- Atugarissaarnermut ataatsimiititaliamut Pisinnaatitsinermut pilersaarummi
allannguutissatut siunnersuut **XX/XX-2023**-mit atuutilersillugu akuersissutigineqassasoq

Aalajangiineq

Akuersissutigineqarpoq suliarlu Aningaasaqarnermut Ataatsimiititaliamut

Kommunalbestyrelsimullu akuerisassanngorlugu saqqummiunneqassaaq.

Ilanngussaq

1. Qeqqata Kommuniani Atugarissaarnermut ataatsimiititaliamut pisinnaatitsinermut pilersaarutip nutarterneqarnissaanut siunnersuut
2. Meeqqat tapersorsorneqarnissaat pillugu Inatsisartut inatsisaata allanngortinneqarneranut inatsisartut inatsisaat nr. 6, 19. november 2021-imeersoq
(Meeqqat eqqartuussut eqqartuussiviulluunniit tamanna pillugu aalajangiinerata kingorna inissinneqarsimasut tikeraarlutik angalasinnaatitaannginnerat)
3. Siusinaartumik pensionisiat pillugit Inatsisartut inatsisaanut allanngortinneqarneranut Inatsisartut inatsisaat nr. 18, 21. november 2022-meersoq
(Siusinaartumik pensionisianik annikinnerpaamik aamma akunnattunik pisartagaqartup aningaasat tigummiinnagassaasa qaffanneqarneri kiisalu siusinaartumik pensionisiat qaffasinnerpaat pillugit inatsisinut periutsit atorlugit iluarsineri)
4. Siusinaartumik pensionisiat pillugit Inatsisartut inatsisaat nr. 40, 9. december 2015-imeersoq
5. Siusinaartumik pensionisiat pillugit Inatsisartut inatsisaat pillugu Namminersorlutik Oqartussat nalunaarutaat nr. 2, 4. februar 2022-meersoq
6. Isumaginninnermik suliassaqarfimmi pissaanermik atuineq pillugu Inatsisartut inatsisaat nr. 8 20 november 2022-meersoq
7. Utoqqalinersiaqarneq pillugu Inatsisartut inatsisaata aamma Siusinaartumik pensionisiat pillugit Inatsisartut inatsisaata allanngortinneqarnerat pillugu Inatsisartut inatsisaat nr. 36, 13. juni 2023-imeersoq (Utoqqalinersialinnut toqqammaviusumik utoqqalinersianik iluarsiineq aamma siusinaartumik pensionisianik qaffasinnerpaanik iluarsiineq)
8. Pisortanit ikorsiissutit pillugit Inatsisartut inatsisaat nr. 6, 20. juni 2022-meersoq
akuersissutigineqartoq.

**Imm. 4.3 Meeqqat paaqqutarisat ilagalugit sulinngiffeqarluni angalanissamut atatillugu
qinnuteqaatinik aalajangiisartutut aallartitanut akuersissuteqarneq.**

Journalnr. 42.01.00

Tunuliaqtaq

Angajoqqaat paarsisartut sulinngiffeqarlutik angalanermi meeqqamik paaqqutarisamik nassataqarnissamut qinnuteqaraangata, qinnuteqaatip akuersissutigineqarnissaanut inatsisitigut tunngavissaqannginnejtunngavilersuutigalugu, angajoqqaat paarsisartut nunamut allamut angalanissaminni meeqqap paaqqutarisap ilaginissaanut aningaasartuutaasut matussuserneqarnissaannut qinnuteqaatit siusinnerusukkut aallaavittut Qeqqata Kommuniani itigartitsissutigisarput.

Taamatuttaaq ilaqtariinnut paarsisartunut Qeqqata Kommunia itigartitsissuteqarnikuvoq, sunaaffali meeqqamut allamut paaqqutarineqartumut sunngiffeqarluni angalaqatiginissaanut akuersissuteqartoqarsimmasumi, Qeqqata Kommunia itigartitsissuteqartoq.

Ilaqtariit paarsisartut pillugit Namminersorlutik Oqartussat nalunaarutaani §19, imm. 4 naapertorlugu, ilaqtariit paarsisartut paaqqutaqarnerminnut atatillugu aningaasartuuteqarnerunerannut kommunalbestyrelsi ilassutitut tapiissuteqarsinnavoq, matuman sunngiffimmi nunamut allamut angalanermut tunngatillugu aningaasartuutit ilanngullugit.

Angajoqqaatut oqartussaassuseqartup akuersissuteqarneratigut, meeraq paaqqutarineqartoq sunngiffimmi angalanermut ilagineqarsinnaavoq, matumanili ilaqtariit paarsisartut sillimmatinut, akiuussutissamik kapitissimanermut il.il. ajunnginnissaat eqqumaffigissavaat, soorluttaaq meeraq paaqqutarineqartoq immikkut tapersorsorneqarnissamik pisariaqartitsineranik eqqumaffiginnissasut. Nunamut allamut sunngiffimmi angalanissamut atatillugu ilaqtariit paarsisartut qinnuteqaataasa akuersissutiginissaannut kommuni inatsisitigut tungavissaqarlerpoq, taamaattumillu tunngaviatigut ilaqtariit paarsisartut siuliani qinnuteqaataannik Atugarissaarnermut ataatsimiititaliamit akuersissutigineqarnissaat, Atugarissaarnermut immikkoortortamit innersuussutigineqarpoq.

Maleruagassatigut tunngavissaq

Meeqqat tapersorsorneqarnissaannut Inatsisartut inatsisaat nr. 20, 26. Juni 2017-meersoq Ilaqtariit paarsisartut pillugit Namminersorlutik Oqartussat nalunaarutaat nr. 13, 10. oktober 2019-imeersoq

Pissutsit atuuttut

Meeqqat peqatitik assigalugit ineriarnerannut ingerlalluarnerannullu ilaqtariit paarsisartut tunngavileeqataasuupput. Taakkupput pisut ilaanni annertuumik sumiginnaaffiusumi, qaangiiffiusumi assingusunilu, meeqqap immikkut tapersorsorneqarnissamik isumassorneqarnissamillu pisariaqartitsiffiini akorsisartut. Meeraq ersistermik ajornartorsiuteqarsinnaavoq, oqalunniarnikkut imaluunniit timiminik atuinissaminut assingusumilluunniit kinguarsimasinnaavoq, tamakkuuppullu ilaqtariit paarsisartunik pingaarnertut tatigilersitsisumik avatangiisiulersussat. Taamaattumik meeqqap ilaqtariinnut paarsisartunut assigiinngitsunut inissinneqaqattaannginnissaa pingaaruteqarpoq, assersuutigalugu ilaqtariit paarsisartut sunngiffimmut atatillugu angalanerini, tamakkuuppummi meeqqamik tatiginnikkunnaartsisinsinnaasut, meeqqat inunnut allanut attuumassuteqarneranik pilersitsiuminaatsitsisut.

Atuilluartuunissakkut kingunerisinnaasai

Sunngiffimmi ilaqtariit angalanerannut meeqqamut paaqqutarineqartumut ilaqtariinnut paarsisartunut qaninnerulersitsinermik pilersitsisinnaavoq, tamannalu meeqqamut

paaqqutuarineqartumut naleqarnermik kiisalu ilaqtariit ilaatut misigilersitsisinnaalluni, tamannalu ingerlalluarnermik inuunerullu isumqarnerulerteranik kinguneqassalluni.

Sunngiffimmi angalanissap qalliardornerani meeqqamut ilaqtariinnullu paarsisartunut qilanaarnermik pissanganermillu pilersitsisinnaavoq, tamannalu meeqqat ilaqtariillu paarsisartut akunnerminni qaninnerulerlernermik pilersitsisinnaalluni.

Aningaasaqarnikkut allaffissornikkullu kingunerisinnaasai

Maniitsumi Sisimiunilu meeqqat ilaqtariit paarsisartunut inissinneqarsimasut allattorsimaffiani, Maniitsumi meeqqat 33-usut Sisimiunilu 35-usut allassimapput.

Aningaasartuutit annertussusaanut tunngatillugu siullertut meeqqap ukiui apeqquaapput, tassa meeqqanut billetsit aqqanilinnik ukiulinnut killeqarmata, aappaattullu ilaqtariit paarsisartut sumut angalaniarnersut apeqquaalluni, soorlu nunanut kiattunukarniarnersut, pingajuattullu atugarissaarnermut immikkoortortaq ukiumut qinnuteqaatinik tigusaqartassanersoq apeqquaassalluni.

Allattuiviit naapertorlugit Maniitsumi Sisimiunilu meeqqat aqqanileereersut 26-upput, aqqanillillu ataallugit ukiullit 42-llutik, imaappoq meeqqamut paaqqutuarineqartumut aqqanileereersumut angalanissamut tapiiffigineqarnissaanut qinnuteqarnissaq 38,2 procentimik ilimanaateqarluinnartoq, aqqanillilli ataallugit ukiulinnut qinnuteqarnissamut ilimanaat 61,8 procentiulluni.

Danmarkimut angalanissamut qinnuteqaatit ukiumut arfinillit tiguneqarpata, ilimagineqartutuulli ukiut agguataarneqarpata aammalu illoqarfinnit marluusunit qinnuteqaatit tamarmik pingasuuppata, taava billetsinut aningaasartuutit 35.000 koruunit missaaniissapput. Maluginiaqquneqassaaq, aasaanerani billetsit akikinnerit aningaasaartutinut naatsorsuinermut atorneqartarmata, taamaattumik billetsit allat atorneqarpata imaluunniit aasaannginnerani angalasoqarpat, kisitsisit allaanerunissaat naatsorsuutigineqassaaq.

Allaffeqarfiup naliliinera

Ilaqtariit paarsisartut meeqqamut paaqqutuarineqartumut tapersersuisussanut isumassuisussanullu pitsaanerpaamik kommunip sinaakkutissiinissa pingaaruteqarpoq, pisunilu amerlanerni meeraq angerlarsimaffimmi sumiginnagaasimaneratigut pissutsillu patajaannginneri patsisaallutik inissinneqartarpoq. Ilaqtariit angalanissaanut, ilaqtariinnik qaninnerulerlernersitsartumut nuannersunillu eqqaamasaqalersitsisartumut aningaasaqarnikkut tapiissuteqanngikkutta, tamanna meeqqamik sumiginnaanerusutut allaffeqarfimmit isigineqarpoq.

Allaffeqarfiup paasinninnerivaa meeraq ilaqtariinni paarsisartuniittup, ilaqtariit paarsisartut sunngiffimmi angalaneranni ilaqtariinnut paarsisartunut allanut inissikkallarnissa aamma sumiginnaanerusoq, angalanissamummi meeqqap peqataaffigisassarinngisaanut ilaqtariit qilanaartut pilersaarusiortullu meeqqamit takuneqareerput. Meeraq pingaanngitsutut ilaqtariinnullu ilaannngitsutut misigisimalissaq, tamannalu meeqqap imminut naleqartinneranut tatigineranullu nungusaataassalluni, minnerunngitsumillu allanut tatiginninneranut inissinneqarnermigut ajornartorsiulersitsereersumut ajortisaanerulissalluni.

Tamanna allaffeqarfiup naliliineratigut meeqqap ingerlalluarneissaanut tapertaanngilluinnarpoq.

Innersuussut

Atugarissaarnermut immikkoortortap Atugarissaarnermut Ataatsimiititaliamut innersuussutigaa

- Meeqqat paaqqutarisat ilagalugit ilaqtariittut sulinngiffeqarluni angalanissamut atatillugu qinnuteqaatinik aalajangiisartutut aallartitat akuersissuteqartarnissaat akuersissutigineqassasoq.

Aalajangiineq

Kalaallit Nunaanniit Danmarkimut utimullu økonomiklassemi akiata nalinga aammalu Kalaallit Nunaata iluani angalanerit akuerissutigineqarput.

Suliarlu Aningasaqarnermut Ataatsimiititaliamut Kommunalbestyrelsimeqasut paasisutigisassanngorlugu saqqummiunneqassaaq.

Ilannngussaq

1. Meeqqat angerlarsimaffiup avataanut inissinneqarsimasut allattorsimaffiat

05. Sulisoqarnermut tunngasut

Soqanngilaq.

06. Paasissutissiissutit

Imm. 6.1 Inunnut puigortungortunut qanigisaasunut pikkorissaaneq pillugu paasissutissiineq

Journalnr. 48.02.00

Tunuliaquaq

Louise Kristiansen, Maniitsumi utoqqaat innarluutilillu immikkoortortaqarfimmi aqutsisoq, Maniitsumi Sisimiunilu inunnut puigortungortunut qanigisaasunut pikkorissartitsinissamut aningasanik qinnuteqarpooq.

Aningaasat Inuunerissaarneq - Det Gode Liv-imit aningaasaliissutigineqarput pikkorissarnerlu ulluni makkunani ingerlanneqarput:

Maniitsumi Majoriami septembarip 20 – 22

Sisimiuni Hotel Sømami septembarip 25 – 27

Maleruagassatigut tunngavissaq

Inuunerissaarneq - Det gode liv

Pissutsit atuuttut

Inuit qanigisaasut qanigisaminut puigortungortunut nammineq angerlarsimaffimminni imaluunniit utoqqaat angerlarsimaffianni najugaqartunut minnerusumik annerusumilluunniit isumassuillutilu isumaginnittarput, taamaattumik qanigisaasut inuk puigortunngortoq qanigisaasullu ingerlalluarnerulersinniarlugit paasissutissanik sakkussanillu pisariaqartitsippu. Nappaammut paasinnissinnaaneq qanigisaasut inulerisullu (angerlarsimaffimmi ikiortit imaluunniit utoqqaat illuanni sulisut) akornanni pitsaanerusumik suleqatigiissinnaanermik pilersitsisarpoq, taamaasilluni illuatungerit paatsooqatigiinnissaraluat annikillisinneqartarluni.

Pikkorissarnerup imarisai:

- Qanigisaasut akornanni misilittakkanik ukuninnga avitseqatigiinneq 1. Ilaqutariinni unammillernartut - taakkuninnga aaqqiissutit, 2. Inulerisunik suleqateqarneq, matuma suleqatigiinnermi iluatsittut aporfillu, 3. Aliasunneq, qanoq qaangerneqarsinnaanersoq.
- Naappaat sumik malitseqakkajuttarnersoq pillugu nassuiaat
- Qanigisaasut qanigisaasullu allat qanoq suleqatigiissinnaanersut
- Qanigisaasut inulerisullu qanoq pitsaanerpaamik suleqatigilersinnaanersut

Sisimiuni pikkorissarnermi peqataasut kommunimut tulliuttutigut oqariartuuteqarput:

- Puigortungortunut immikkoortortaqarfip pilersinneqarnera qutsatigineqarpoq
- Utoqqaat angerlarsimaffianni najugaqarneq ilorrisimaarnarpoq
- Utoqqarni nakkutiliisup oqarasuaataanik pisariaqartitsisoqarpoq
- Kommuniminngaanniit inunnut puigortungortunut qanigisaannullu tunngatillugu iliuuseqartoqangilaq
- Illoqarfinni/nunaqarfinni puigortungortunut ataqtigissaarisoqartariaqarpoq
- Sullissit nipaappallaarput
- Puigortunngorneq pillugu paasitsiniaanerit amigaataapput
- Qanigisaasunut ikiorneqarnissamik paasissutissanillu pisariaqartitsisunut saaffiginniffiusinnaasut amigaataapput

- Puigortunngorermut ersiutilinnut annertunerusumik ikiuineq iliuuseqarnerlu
- Oqarasuaatit ajukkajuttarput
- Peqatigiitarnerit, assersuutigalugu juullimut qioraanermut nereqatigiinnermullu ataatsimuualaaarnerit ujartorneqarput
- Qanigisaasut qanoq issusaat pillugit amigartumik attaveqatigiinneq
- Utoqqaat angerlarsimaffianni attaveqaataasumik amigaateqarneq
- Puigortunngorsimasunut immikkoortortaqarfik utoqqaat angerlarsimaffiannut qaninnerusariaqarluarpoq
- Puigortunngortut nillialeraanga toqqissisimanngitsutullu misigileraangata, toqqissisimasutut misiginerannut annertunerusumik eqqummaariffiginninneq
- Utoqqaat angerlarsimaffianni aqutsisut ersarinnerussapput
- Qanigisaasunut sulisunullu paasitiisiikkut ataatsimiinnerit ujartorneqarput
- Puigortunngortunut immikkoortortaq puigortunngortunut naleqqussarneqartariaqarpoq
- Puigortunngortunut immikkoortortaqarfimmi anguniakkat ersarinnerusariaqarput
- Puigortunngortunut immikkoortortaqarfimmi sulisut ineqartunut piffissaqarnerullutillu qitiutitsinerusariaqarput
- Puigortunngortunut immikkoortortaqarfimmi sulisut amerlillugit
- Puigortunngortunut immikkoortortaqarfimmi ineqartunut sammisassat amerlillugit, soorlu nipiilersukkanik tusarnaarneq, erinarsorneq, qitinneq
- Qanigisaasunut atugassarititaasut amigarpit
- Saaffiginnissutinut akissuteqartarnerit arriippallaarput
- Sulisut akornanni suliat killiffiinut tunngatillugu avitseqatigiinneq amigarpooq
- Utoqqaat angerlarsimaffianni aqutsisut qanigisaasullu uteeqqiasumik aaqqiissutissanik eqqartuillutik ataatsimiittarsinnaapput, tamanna pitsaanerusumik suleqatigiinnermik ajunnginnerusumillu ingerlanermik kinguneqarsinnaavoq
- Sulisunut ajunngitsorsiassaat, piginnaasanut tapeq il.il.
- Kommunalbestyrelsip ataatsimiititaliaata ilaanni qanigisaasut inissaqartinneqarnissaat kissaatigineqarpoq
- Inuk pillugu aammalu pitsanngorsaatit pilersinneqarsinnaasut pillugit eqqummaariffiginninnerulernissaq anguniarlugu, suliffiup imlt. inuup puigortunngortup angerlarsimaffiata isigniarneqalernissaa kissaatigineqarpoq

Maniitsumi pikkorissarnermi peqataasut kommunimut tulliuttutigut oqariartuuteqarput:

- Kommunimi sullisisut saaffigiuminarput, paasinnittarlutik ikuukkumatullutillu
- Sullisisuni suleriaatsit assigiinngillat, taamaammat sullissineq ilaannikkut arriissinnaasarlni
- Apisimatillugu aputaajartariaqaleraangallu sulisut amerlanerusut pisariaqartinneqartarput
- Sullisisut siunnersuinerat tapersersortillu sullluuarnerat qanigisaasunit nuannaarutigineqarpoq
- Sullisisut ilaasa ulapippallaarujuussuarnerisigut qanigisaasut ilaannikkut paatsoorneqartutut misigisarput, sullisisuniillu qisuarriaatit peqqissaarpallaanngitsutut misiginartarlutik
- Qanigisaasut ingammik tapersersortitut inissimanerminni oqaloqatigiinnikkut oqilisaanneqartarnissartik amigaatigaat
- Qanigisaasut sullisisullu akornanni ataatsimiinnerit eqqartueqatigiinnertaqarlutillu saqqummiinertallit ujartorneqarput
- Sulisut pikkorissarneqarnissartik amigaatigivaat
- Puigortunngortunut sammisassaqaqtitsinerit amigaataapput
- Aapparisap isertitaasa qaffanneratigut puigortunngortup soraarnerussutisiaasa apparneqartarnerisa allanngortinneqarnissaa kissaatigineqarpoq.

Atuilluartuunissakkut kingunerisinnaasai

Pikkorissarnermi peqataasut ilaat kiserliortutut sakkussanillu amigaateqartutut misigisimammata, qanigisaasunut allanut misigissutsiminnik, misilittakkaminnik unammillernartutiminnillu avitseqatiginnissinnaammata, qanigisaasut pikkorissarnertik nuannaarutigaat.

Qanigisaasunut pikkorissartitsinermi qanigisaasunut nappaammik annertunerusumik paasinnissinnaalersitsinissaq aammalu puigortunngortunik qanigisaqarluni ulluinnarnik ingerlatsinissamut sakkussanik tunisinissaq siunertaavoq.

Aningaasaqarnikkut allaffissornikkullu kingunerisinnaasai

Paasissutissiinerup aningaasaqarnikkut kinguneqarnissaa naatsorsuutigineqanngilaq.

Allaffeqarfiup naliliinera

Allaffeqarfiup qanigisaasut oqariartuutaat inunnut puigortunngortunut qanigisaannullu pitsaanerusumik sullissinissamut pilersitseqataanissaa kiisalu utoqqaat angerlarsimaffianni kommunimiluunniit qanigisaasut sulisullu akornanni suleqatigiinnerup pitsaanerulernissaa nalilerpaa.

Innersuussut

Atugarissaarnermut immikkoortortap Atugarissaarnermut Ataatsimiititaliamut innersuussutigaa:

- paasissutissiissut tusaatissatut tiguneqassasoq

Aalajangiineq

Tusaatissatut tiguneqarpoq.

Ilanngussaq

Imm. 6.2 Qeqqata Kommuniani Sisimiuni utoqqaat nunanut allanut angalasimanerinik ilisimatitsissut.

Journalnr.

Tunuliaqtaq

Naluneqanngitsutut Qeqqata Kommuniani utoqqaat nunanut allanut angalanissaannut Ukioq 2023-mut aningaaasaliisoqarnikuuvoq. Tamanna tunngavigalugu utoqqaat 14-nit (Sisimiuniit 12 Kangerlussuarmiit 2) marlunnik angallassisulerlutik nunanut allanut angalapput 21. Septembermiit – 03. Oktober 2023-mut Tyrkiemi - Alanyamut angalallutik.

Maleruagassatut tunngavissaq

Ilaqutariinnermut atatasimiititaliamit 17. april 2019-mi aalajangiumneqartoq. 2023-mut missingersuusiornermi ukiunullu missiliuteqarfiusunut atatillugu Kommunalbestyrelsimit akuersissutigineqartoq.

Pissutsit atuuttut

Tamatuma kingorna upernaaq Sisimiuni utoqqaat nunanut allanut angalanissaat pilersaarusrifigineqalerpoq. Utoqqaat nunanut allanut angalanissamut tunngatillugu ataatsemiinnissamut aaggersarneqarput, tassani utoqqaat 52-it peqataapput, taakkunaniit 48-t peqataanissamut qinnuteqarlutik. Kangerlussuarmiit inuit sisamat peqaataanissamut qinnuteqarput, nunaqarfinniilli allanik qinnuteqartoqanngilaq.

Taavalu kingusinnerusukkut allaffeqarfimmi sulisunit makitsissutigineqarput marlunnut immikkoortillugit, peqataanissaminut siullermeerlutik qinnuteqartut aammalu utoqqaat siusinnerusukkut peqataareersimasut. Makitsinermi siullermeersumik qinnuteqartut siullunneqarput, kingorna inissat sinneruttut peqataasareersimasunut makitsissutigineqarlutik. Utoqqaat ilaasa agalaqataanissamut qinnuteqaatiminik taamaatitseriasaarnissaannut sillimaniarluni inuit pingasut qinnuteqartut utaqqisut allattorsimaffiannut allanneqarput. Peqataasut ilaat kisimiittuupput katissimasuullutilluunniit aamma aappariit 67-it 84-illu akornanni ukioqarlutik. Arlaqarput aatsaavissuaq nunanut allanut angalasut, aammali ilai nunani allaniittareersimallutik.

Ulloq 21. september 2023 Sisimiuniit Qallunaat Nunaannut aallarput Qallunaat Nunaanniillu Tyrkiemut ingerlaqqillutik ulloq 23. september 2023. Tyrkiemiit Qallunaat Nunaannut eterput 30. september 2023 Sisimiunullu angerlamut ingerlaqqillutik 03. oktober 2023.

Qallunaat nunaanniinnerminni vandrehjemmiemeeriarlutik Alanya-mi hotelimi marlukkaarlutik pingasukkaarlutilluunnit ineqatigiliaapput.

Alanya kiakkaluartoq misigisaqarfiquarpaat. Illoqarfimmi takusassarsiorneq, hotelip nalunnguartarfiani nalunneq, illoqarfimmi pisiniarfilerineq, sisami nalunneq ullanlu ataaseq peqataasunut tamarmiusunut massage-tinnermut atorneqarluni, ulloq naallugu alakkarterilluni umiatsiamik angalaneq. Alanya-imti angalanermi hotelimi suna tamaat akiliummut ilanngunneqarnikuuvoq, ineqarneq, ullaakkut, ullup qeqqanut, unnukkorsiorlunilu nerisaqarneq, taamaasilluni angalaqataasunut pisariinnerulluni.

Alanya-miit Qallunaat Nunaannut eternermi ilaat ilaqtutaminnit naapigiarneqarput (meeqqat, ernuttat ilaquaasullu allat). Taamatuttaaq Københavnimi angalaarneq aamma pisiniarfilerineq aaqqisunneqarpoq.

Qujanartumik angalaneq tamaat angalaqataasunik arlaatigut peqqiilliortoqanngilaq. Ulluinnarni utoqqaat Sisimiuni sullitarigaluarlugit angalanermi inuttut qanoq ittuunerat erserpoq. Taamaammat peqataasut ataasiakkaat allaniit unamminarnerusinnaallutik. Taamaakkaluartoq peqataasut nuannisarnerat malunnarpoq.

Piffissap ilaani issiaqatigalugit arlaatigut eqqartuisarnerinni, oqaasinnguinermanni oqaatigisarpaat Qeqqata Kommuniata taamatut utoqqarnut nunanut allanut angalanissamik periarfissiisimanera qujamasuutigalugu.

Atuilluartuunissakkut kingunerisinnaasai

Utoqqaat akornanni aallannginnermi, angalanermi aamma angalareernermi nuannarineqarluarnera angalanerup pitsasunik sunniuteqarneranik takussutaavoq. Taamatut misigisaqarneq ataatsimoornermik pilersitsisarpoq, taamatullu aamma kiserliornaveersaataasinnaalluarluni aammalu ataasiakkaanut inuunermik pitsasumik isiginnnittariaaseqarnissamut nukitorsaataalluni.

Aningaasaqarnikkut allaffissornikkullu kingunerisinnaasai

Utoqqaat 2023-mi nunanut allanut angalaneranni missingersuut 194.000,00 koruuniuvoq. Angalanermut peqataasut 6.469,29 koruuninik namminneq akiliuteqarput.

Utoqqaat Alanya-mut angalanissaannut 2023 aningaasartuutit nalunaarsorneri			
Aningaasartuutit	Katillugit	Inummut	ataatsimut
1) Billet-it Sisimiut - København - Sisimiut	119.671,00	7.479,44	Faktura nr.643236 greenlands rejsebureau kr. 124.117,00 - Kreditnota 646495 kr.4.446,00
2) København - Tyrkiet - København 16 personer	109.806,00	6.862,88	Faktura nr.643236 greenlands rejsebureau kr. 109.806,00
3) Bussinik angallannegarneq aallalermermi - tikinnermilu	12.500,00	781,25	Faktura nr.643236 greenlands rejsebureau kr. 12.500,00
4) Danhostel-mi København-miinermi unnuinerit	41.200,00	2.575,00	Faktura nr.643236 greenlands rejsebureau kr.41.200,00
5) Faktura gebyr Grønlands Rejsenureau	6.045,00	377,81	Faktura nr.643236 greenlands rejsenureau kr.6.045,00
6) Ataatsimoorussamik angalanermi aningaasartuutit	8.286,64	517,92	Ataatsimoorussamik aningaasartuutit
ANINGAASARTUUTIT KATILLUGIT	297.508,64	18.594,29	
7) Qeqqata Kommunia-niit tapiissutai	-194.000,00	-12.125,00	
Tapiissutit ilanngaatiginerani aningaasartuutit katillugit	103.508,64	6.469,29	
Angalaqataasussap akileeqataassutissaa:		6.469,29	kr.

Allaffeqarfip naliliinera

Allaffeqarfip nalilerpaa, angalaqataasut nuannersumik pissanganartumillu misigisimasaat ilalernartoq, angalanerummi pitsasumik sunniuteqarnera angalanerup sivisussusaaniilluunniit sivisunerujussuarmik sunniuteqartussaammat. Allattoqarfimmiit innersuussutigineqarpoq, angalaqataasunut nunaqarfimmeersunut qaavatigut aningaasartuutat matussuserneqassasut, taamaalilluni namminneq akiliutaat illoqarfimi peqataasut akiliutaata annertoqatigilissallugu.

Innersuussut

Atugarissaarnermut immikkoortortaqarfiup Atugarissaarnermut Ataatsimiititaliamut
innersuussutigaa:

- Peqataasinnaasut qassiusinnaanerinut najoqutassaliortoqassasoq (illoqarfii aamma nunaqarfii)
- Nunaqarfinniit illoqarfimmut utimullu angalasunut taamatullu unnuinernut qaavatigut aningaasartuutit utoqqaat isumasorneqarnerannut aningaasartuutinit matussuserneqassasut

Aalajangiineq

Tusaatissatut tiguneqarpoq.

Ilanngussaq

1. Angalanermiit assit sisamat

08. Tamalaat

Imm. 8.1 Tamalaat

Barnabas Larsen Maniitsumi pitsaaliuinermik atorfik pillugu apeqquteqarpoq. Pisortaanerup akissuteqaateqarpoq, nassuaalluni atorfik taanna pineqartoq aammalu sunngiffimmi susassaqartitsup atorfik Ilinniartitaanermut ataatsimiititaliap akisussaaffiata iluaniittoq.